



KERATAN AKHBAR

BAHAGIAN PERHUBUNGAN AWAM DAN SEKRETARIAT

MAJLIS PERBANDARAN AMPANG JAYA

AKHBAR : SELANGORKINI TARIKH : 18-25/8/17 M/S : 17.

Selangorkini 18-25/8/17 M/S 17.

Tiada kompromi tapak sampah haram

AMPANG - Majlis Perbandaran Ampang Jaya (MPAJ) mengambil tindakan tegas mengeluarkan notis pembersihan kepada pemaju yang menjadikan tanah seluas 3.2 hektar di Taman Saga, di sini, sebagai tapak pembuangan sampah haram.

Yang Dipertua, Abd Hamid Hussain berkata, MPAJ serta pejabat tanah mengeluarkan notis supaya pemaju membuat pembersihan segera selepas semakan mendapati tanah terbabit milik pemaju bagi memastikan kawasan itu tidak lagi dijadikan tempat pembuangan sampah haram.

"Kita tidak akan berkompromi dalam isu ini kerana kegiatan itu akan menjadi punca pencemaran alam sekitar, sekali gus pelbagai jenis penyakit."

"Notis itu dihantar baru-baru ini dan kita berharap pemaju ber-

tanggungjawab membersihkan kawasan terbabit secepat mungkin," katanya kepada SelangorKini, di sini, baru-baru ini.

Terdahulu, penduduk setempat mendesak pihak bertanggungjawab menyelesaikan isu bau busuk dan lalat di kawasan sekitar.

Ekoran masalah itu, penduduk mendapati tanah terbabit diteroka untuk dijadikan tapak pembuangan sampah haram, sejak beberapa bulan lalu.

MPAJ mengenal pasti kawasan itu menggunakan dron, sekali gus menjumpai longgokan sampah haram pada jarak kira-kira 50 meter dari kawasan perumahan dan berada di atas bukit.

Penduduk mendakwa, pihak tidak bertanggungjawab itu memilih lokasi berkenaan selepas tapak pembuangan sampah berhampiran ditutup.





KERATAN AKHBAR

BAHAGIAN PERHUBUNGAN AWAM DAN SEKRETARIAT

MAJLIS PERBANDARAN AMPANG JAYA

AKHBAR : SELANGORKINI

TARIKH : 18 - 25 /8/17

M/S : 17

SelangorKini 18 - 25 Ogos 2017 | 17

Selangor di jari anda

App Store

Google Play

APLIKASI

Keputusan Penggredan Sistem Penarafan Bintang
Pihak Berkuasa Tempatan (SPB-PBT)

10 PBT Selangor bertaraf lima bintang

OLEH LIZAWATI MADFA

SHAH ALAM - Sepuluh dari 12 Pihak Berkuasa Tempatan (PBT) di Selangor menerima penarafan lima bintang daripada Kementerian Kesejahteraan Bandar, Perumahan dan Kerajaan Tempatan (KPKT).

Pengarah Komunikasi Strategik Pejabat Menteri Besar, Yin Shao Loong berkata, penarafan berdasarkan Keputusan Penggredan Sistem Penarafan Bintang Pihak Berkuasa Tempatan (SPB-PBT) Semenanjung Malaysia dan Labuan (Tahun 2016) itu turut menyaksikan dua lagi PBT memperoleh empat bintang.

Katanya, penilaian dibuat Pasukan Inspektorat SPB-PBT KPKT membabitkan semua PBT

di Semenanjung Malaysia dan Labuan yang dijalankan, pada 15 Februari hingga 10 November 2016.

"Kriteria penilaian ke atas sistem penarafan berkenaan membabitkan pengurusan, perkhidmatan teras, pengurusan pelanggan dan penyertaan komuniti serta pandangan penduduk," katanya dalam kenyataan.

Beliau berkata, penarafan cemerlang KPKT itu sekali lagi membuktikan prestasi memberangsangkan PBT, di bawah Kerajaan Negeri.

Katanya, ia juga sejajar hasil tinjauan Merdeka Centre for Opinion Research yang mendapati 74 peratus responden berpuas hati dengan prestasi

PBT, di Selangor.

"Kerajaan Negeri akan terus meningkatkan mutu penyampaian dan perkhidmatan PBT demi mengangkat martabat rakyatnya," katanya.

PBT yang mendapat penarafan lima bintang ialah Majlis Bandaraya Shah Alam, Majlis Bandaraya Petaling Jaya, Majlis Perbandaran Subang Jaya, Majlis Perbandaran Sepang, Majlis Perbandaran Kajang, Majlis Daerah Kuala Langat, Majlis Perbandaran Ampang Jaya, Majlis Perbandaran Selayang, Majlis Perbandaran Klang dan Majlis Daerah Kuala Selangor.

Manakala, Majlis Daerah Hulu Selangor dan Majlis Daerah Sabak Bernam pula mendapat penarafan empat bintang.



KERATAN AKHBAR

BAHAGIAN PERHUBUNGAN AWAM DAN SEKRETARIAT MAJLIS PERBANDARAN AMPANG JAYA

AKHBAR : SELANGORKINI TARIKH : 11-18/8/17 M/S : 18

Ampang Jaya terima laluan baru

SHAH ALAM - Majlis Perbandaran Ampang Jaya (MPAJ) membuka dua lagi laluan Bas Smart Selangor yang beroperasi dalam tempoh setahun dengan kos operasi ditanggung Kerajaan Negeri dan pihak berkuasa tempatan itu.

Yang Dipertua MPAJ, Abdul Hamid Hussain berkata, berdasarkan keputusan mesyuarat Jawatankuasa Pengangkutan Selangor Bil.3/2017 pada 20 Disember 2016, MPAJ akan menanggung kos laluan LRT Cempaka dan Taman Bukit Teratai membabitkan jarak 6.2 kilometer (km).

"Bas Smart Selangor turut melintasi Jalan Pandan Utama dan Jalan Pandan Aman. MPAJ akan menanggung operasi tiga bas dalam tempoh setahun dengan kos termasuk Cukai Barang dan Perkhidmatan (GST) berjumlah RM939,690" katanya.

Bagi laluan yang ditanggung Kerajaan Negeri, ia bermula di Bandar Baru Ampang (Pangsapuri Sri Nilam) menyelusuri Taman Cahaya dan Taman Dagang Jaya (Aeon Big Ampang).

Membabitkan jarak perjalanan keseluruhan 12.3km dan empat bas, kos operasi termasuk GST yang ditanggung berjumlah RM1.252 juta.

Selangorkini
11-18/8/17 M/S 18

Bas Smart Selangor turut melintasi Jalan Pandan Utama dan Jalan Pandan Aman serta MPAJ akan menanggung operasi tiga bas dalam tempoh setahun dengan kos termasuk Cukai Barang dan Perkhidmatan (GST) berjumlah RM939,690

ABDUL HAMID HUSSAIN
Yang Dipertua MPAJ

Laluan itu dipecahkan kepada dua laluan bergerak serentak bagi mengelakkan tempoh perjalanan lama iaitu AJ02A melalui Jalan Wawasan (Sri Nilam)-Taman Ampang Mewah-Taman Cahaya-Jalan Da-gang Besar-Jalan Ampang (LRT Ampang).

AJ02B melalui Jalan Wawasan (Sri Nilam)-Jalan Ampang (Waterfront)-Jalan Taman Putra (Aeon Big Ampang)-Taman Sri Baru (Ampang Cam-puran).



KERATAN AKHBAR

BAHAGIAN PERHUBUNGAN AWAM DAN SEKRETARIAT MAJLIS PERBANDARAN AMPANG JAYA

AKHBAR : SELANGORINI TARIKH : 11-18/8/17 M/S : 05

74% puas hati khidmat PBT

Selangorini M/S 11-18/8/17

SHAH ALAM - Kajian Merdeka Centre for Opinion Research (Merdeka Centre) mendapati tahap kepuasan masyarakat terhadap perkhidmatan pihak berkuasa tempatan di Selangor mencapai 74 peratus, pada 2016..

Setiausaha Kerajaan Selangor, Dato' Mohd Amin Ahmad Ahya berkata, Majlis Bandaraya Petaling Jaya (MBPJ) menunjukkan peningkatan tertinggi sebanyak 18 peratus diikuti Majlis Perbandaran Klang (MPK) di tempat kedua.

"Ia disusuli Majlis Perbandaran

Ampang Jaya (MPAJ) dengan 12 peratus," katanya.

Beliau berkata demikian ketika merasmikan Majlis Anugerah Perkhidmatan Cemerlang dan Penghargaan Kepada Pesara 2016 MPK di Shah Alam Convention Centre (SACC), di sini, pada 4 Ogos lalu.

Beliau berkata, 5 peratus aduan oleh responden juga menurun secara signifikan dari 21 peratus, pada 2015 kepada 15 peratus (2016). .

Katanya, perkembangan ter-



MERDEKA CENTER
FOR OPINION RESEARCH



Mohd Amin

baru itu adalah satu galakan kepada warga kerja MPK untuk meneruskan perkhidmatan cemerlang di Selangor.